

Ўзбекистон Республикаси Президенти ҳузуридаги
Давлат ва жамият қурилиши академияси

Кўлёзма ҳуқуқида
УДК 34+336.242 (575.1)


АЛИМБАЕВ СОБИТ АХМАДОВИЧ

**ЎЗБЕКИСТОН РЕСПУБЛИКАСИ БОЖХОНА
ҲУДУДИДА ТОВАР АЙИРБОШЛАШНИНГ
ТАШКИЛИЙ-ҲУҚУҚИЙ МУАММОЛАРИ**

12-00-02: «Давлат ҳуқуқи ва бошқарув; маъмурий ҳуқуқ;
молия ҳуқуқи» ихтисослиги

Юридик фанлар номзоди илмий даражасини
олиш учун ёзилган диссертация

АВТОРЕФЕРАТИ



ТОШКЕНТ-2003

340(С52) (043.3)
А-50

*Диссертация Ўзбекистон Республикаси Давлат божхона
қўмитаси ва Ўзбекистон Республикаси Фанлар Академияси Иброҳим
Мўминов номидаги Фалсафа ва ҳуқуқ институтида бажарилган*

Илмий раҳбар:
Юридик фанлари доктори,
профессор

О. Т. Хусанов

Расмий оппонентлар: Юридик фанлари доктори
А.С. Турсунов

Юридик фанлари доктори.
М. Бойдадаев

Етақчи таъшилот: Мирзо Улуғбек номидаги Ўзбекистон Миллий
университети

*Диссертация ҳимояси Ўзбекистон Республикаси Президенти
ҳузуридаги Давлат ва жамият қурилиши академияси ҳузуридаги
Д.005.10.01. рақамли фан доктори илмий даражасини олиш учун
диссертациялар ҳимояси бўйича Иттихослашган Кенгашнинг
2003 йил «__» _____ куни соат «__» даги мажлисида бўлиб
ўтади. (700003, Тошкент шаҳри, Ўзбекистон шох кўчаси, 45-уй).*

*Диссертация билан Ўзбекистон Республикаси Президенти ҳузуридаги
Давлат ва жамият қурилиши академиясининг кутубхонасида
танилиши мумкин.*

Автореферат 2003 йил «__» _____ да тарқатилди.

*Иттихослашган кенгаш илмий
котиби, соқ.ф.д.*

А.Холбеков

ДИССЕРТАЦИЯНИНГ УМУМИЙ ТАВСИФИ

Тадқиқот мавзусининг долзарблиги.

Ўзбекистон Республикаси Жаҳон Ҳамжамиятига, Президентимиз И. А. Каримов олға сурган беш тамойилни дастуриламал қилиб олган ҳолда, тенг ҳуқуқли аъзо сифатида кириб бораяпти. Бу тамойилларнинг деярли ҳаммаси халқаро иқтисод, сиёсат, ҳуқуқ, маънавий – ижтимоий ҳаётлар билан, бинобарин божхона тизими билан ҳам бевосита ёки билвосита боғлиқдир.

Маълумки, божхона тизими ўзига хос бутун бошли мураккаб тизимдир. Ҳар бир тизимнинг ўз элементлари бўлгани каби унинг ҳам ўз элементлари, оддий тида айтганда, таркибий қисмлари бор.

Фалсафа ва ҳуқуқшунослик фанларида эътироф этилганидек, жамиятнинг қандай тизим ва элементлари бўлса, уларда, албатта ҳал этилган масалалар ва ҳали ўз ечимини топмаган муаммолари бўлади.

Мамакатимизда бозор муносабатларининг қарор топиши – товар айирбошлаш, пул муносабатлари билан боғлиқ бўлган жисмоний ва юридик шахслар, давлат, шу жумладан хорижий фуқаролар ва ташкилотлар ўртасида вужудга келадиган мулкий муносабатларни ва мулк билан боғлиқ бўлмаган муносабатларни тартибга солиш муаммосини вужудга келтиради.

Ўзбекистон Республикасининг 1997 йилда қабул қилинган Божхона кодекси, Бож тарифи ҳамда Давлат Божхона хизмати тўғрисидаги қонуларни бу муаммоларни қисман ҳал этиш имкониятини яратди.

Диссертация мавзуси ҳанузгача махсус тарзда илмий тадқиқ этилмаган мураккаб муаммога бағишланган. Унинг мураккаблиги шундаки, бу мавзу умуман, божхона тизими каби иқтисодийёт, ҳуқуқшунослик ва сиёсат билан узвий боғланган. Ҳозирги даврда илм – фан, асосан, икки, уч соҳанинг туташган нуктасида тараққий этганини ҳисобга олсак, бу мавзунинг долзарблиги, қийинлиги, назарий ва амалий аҳамиятлари катта эканлигига тўла ишонч ҳосил қиламиз.

Божхона масаласи иқтисодийёт, молния, савдо – сотиқ, ҳуқуқ, сиёсат, статистика, ҳатто маънавий – ахлоқий омиллар билан узвий боғлиқдир: унда реал ва абстракт имкониятлар мўла – кўла: у объектив шароитлар ва субъектив омиллар билан бевосита ёки билвосита, доим ёки муваққат боғлиқ. Шунинг учун унда турли муаммолар тез – тез юзага келиб туради. Булар айниқса, бизнинг тадқиқот мавзумизга таъишли бўлиб, яъни: божхона ҳудудидан товар айирбошлаш, божхона тўловларини ундиршни амалга ошириш, божхона чегараси орқали олиб ўтилаётган товарларга нисбатан қўлланиладиган бож ставкаларини тез – тез ўзгартириш

туришини аниқлаш, божхона юк баённомаларини тузиш, кириш-чиқимлар ҳисоботини йўлга қўйиш, божхона экспертизасини ташкил этиш, уларнинг давлат иқтисодий, ҳуқуқий, спёсий манфаатларини муҳофаза қилишларининг деярли барчаси муаммоли масалалардир.

Айни вақтда, божхона хизмати ҳуқуқни муҳофаза қилиш идораси ҳам эканлигини, унинг қонунчилиги ҳаётий, объектив заруратдан келиб чиқишини исботлаш ва ушбу ҳолатни бу ишларга дахлдор жисмоний ва юридик шахсларга тушунтириш, англамаган ҳуқуқбузарларни жиловлаш ҳам осонликча ҳал этилмайдиган муаммолардир. Бундан ташқари божхона фаолиятини амалга оширишда контрабандага, божхона қондаларининг бузилишларига, бузғунчиларнинг таҳдидларига қарши курашиш, буларнинг олдини олиш ундан ҳам чигал муаммоли чора – тадбирлардир.

Муаммонинг ўрганилганлик даражаси

Божхона иши соҳасининг илмий – назарий ва амалий асослари мамлакатими? миқёсида, қолаверса дунё миқёсида О. Мўминов, М. Қориев, С. Зиёдиллаев, И. Искандаров, С. Ғуломов, А. Қодиров, О. Ҳикматов, М. Шарифхўжаев, Х. Собиров, Р. Убайдуллаев, А. Бекмуродов, И. Асқаров ва бошқа олимларнинг асарларида назарий ва амалий аксини топган.

Ҳуқуқшунослик назарияси ва амалиёти, жумладан, божхона тизимининг ҳуқуқий асослари ва амалий масалалари ҳуқуқшуносларнинг мураббийлари бўлиш ўзбек олимлари О. Эшонов, А. Аъзамхўжаев, Ш. Ғуразаев, Х. Раҳмонқулов, М. Ғофуржонов, М. Файзиев ва бошқа олимларнинг асарларида ёритилган.

Диссертация мавзусига бевосита таалуқли бўлган илмий – назарий манбалар орасида С. Орипов, Ш. Шорахмедов, А. Шермухамедов, Н. Махмудов, А. Алиев, Н. Асқаровларнинг асарларини кўрсатиш мумкин.

Шу билан бирга, бозор муносабатларининг ривожланиши, ташқи савдо муносабатлари билан боғлиқ муаммоларининг кўп қирралиги – Ўзбекистон Республикаси божхона ҳудудида товар айирбошлашнинг ташкилий – ҳуқуқий асосларини назарий ва амалий жиҳатдан ўрганишни тақозо этади.

Ўзбекистонда ташқи савдо фаолиятини янада эркинлаштириш шароитида божхона ҳудудида жисмоний ва юридик шахслар томонидан товар айирбошлашнинг ҳуқуқий ва ташкилий муаммолари моҳиятини назарий ва амалий таҳлил қилиш, уларнинг ички мазмунини очиш зарурияти ушбу диссертация мавзусини танлашга асос бўлди.

Таҳқиқотнинг объекти. Жаҳон бозорига фаол кириб бораётган Ўзбекистон Республикаси божхона ҳудудида товар айирбошлашнинг ташкилий – ҳуқуқий асослари таҳқиқот объекти ҳисобланади.

Таъқиқотнинг предмети. Иқтисодий ислоҳотлар шароитида ташқи савдо фаолиятини эркинлаштириш ва такомиллаштириш жараёнида Ўзбекистон Республикаси божхона ҳудудида мулкчиликнинг турли шакллариға мансуб бўлган юридик шахслар ва тадбиркорлик фаолияти билан шугулланувчи жисмоний шахслар томонидан товар айирбошлашни ташкил этишнинг мавжуд ҳуқуқий асосларини таҳлил қилиш ва уни янада такомиллаштириш таъқиқот предмети бўлиб хизмат қилади.

Таъқиқотнинг асосий мақсади— Ўзбекистон Республикаси божхона тизими ва сиёсатининг асосий тамойиллари ва функцияларини аниқлашдан, божхона чегаралари орқали товарларни олиб ўтишнинг тартиб—қоидаларини таҳлил қилиш ва тавсифлашдан, ташқи иқтисодий фаолият субъектлари томонидан божхона тартиб—қоидаларининг бузилиши ва уларнинг ҳуқуқий жавобгарлиги муаммолари ечимларини излаб топишдан иборат.

Ушбу мақсадни амалга ошириш учун қуйидаги вазифалар олға сурилган ва маълум даражада бажарилган:

— Республика иқтисодиётининг жаҳон ҳўжалиги билан интеграциялашувида божхона фаолиятининг аҳамияти;

— Ўзбекистоннинг иқтисодий хавфсизлигини таъминлашда божхона хизматининг ҳуқуқий асослари;

— божхона расмийлаштируви жараёнида жисмоний ва юридик шахслар ҳуқуқларини муҳофаза қилишнинг ташкилий—ҳуқуқий масалалари;

— товарларни олиб ўтишда божхона ҳудуди ва чегараси тушунчалари талқини ва ҳуқуқий мақомини белгилаш муаммолари;

— товарларни божхона чегараларидан олиб ўтишда божхона режими ва уларни тартибга солиш муаммолари;

— божхона қонунчилиги бўйича товарларни божхона чегараларидан олиб ўтишнинг усуллари ва ҳуқуқий шартлари;

— товарларни божхона чегараларидан олиб ўтишда ташқи иқтисодий фаолият субъектлари томонидан содир этиладиган божхона тартиббузарликлари ва уларнинг олдини олиш йўллари;

— божхона органлари мансабдор шахсларининг ҳуқуқий кафолати сифатида МЖТК нинг айрим моддаларига қўшимчалар киритиш;

— божхона тартиб—қоидаларини бузганлик учун жавобгарликларнинг айрим турларини кучайтириш зарурлигини изоҳлаш;

— ташқи иқтисодий фаолият субъектларининг қонуний ҳуқуқлари, манфаатларини муҳофаза қилиш усул ва тартибларини белгилашни янада такомиллаштириш.

Таъқиқотнинг назарий ва услубий асослари

И.Каримовнинг алоҳида рисола ва китобларида, маъруза ва нутқларида, муҳбирларнинг саволларига берган жавобларида, табрикнома ва фармонларида баён қилинган иқтисодиёт, сиёсат,

ҳуқуқ, қонун ва қонунчилик; маънавий ва маърифат. ғоя ва мафкура, моддий ва маънавий маданият, бозор муносабатлари, ўзбек модели, фуқаролик жамияти каби масалаларга доир ғоя, таълимот, таъриф, тавсифлари ва дастурларидир.

Диссертациянинг амалий аҳамияти шундаки, унда асосланган қонда, ғоя, мафкура, концепция, нуқтаи назар, статистик маълумотлар, амалий тавсия, тақлиф ва ҳулосалардан — божхона тизимининг ўрта махсус ва олий ўқув юртларида «Божхона иши асослари» ўқув курси (предмети) ни ўқитишда, божхона ходимларининг малакасини оширишда, бу соҳадаги жисмоний ва юридик шахсларни аттестациялардан ўтказишда, уларнинг фаолиятларини назорат қилишда ва ҳоказоларда фойдаланиш мумкин.

Тадқиқотнинг услубий асосини — божхона ҳудудида товар айирбошлашнинг моҳияти, табиати, жамиятнинг ижтимоий — иқтисодий ривожланишини таъминлашнинг воситаси сифатида ҳуқуқнинг тутган ўрни тўғрисидаги иқтисодий ва ҳуқуқий таълимотлар ташкил этиди. Бу асослар илмий фалсафанинг қонун ва категориялари, ворислик, тарихийлик ва мантиқийлик, сабабий боғланишлик, системали ёндашув каби принципларидир.

Тадқиқотнинг илмий янгилиги.

— 1997 йилда қабул қилинган Божхона Кодексидаги айрим моддаларнинг татбиқ доиралари ўтган 5 йил ичида кенгайганлиги, баъзан торайганлиги муносабати билан уларни бу жараёнларга мувофиқлаштириш зарурати тутилганлиги исботланди;

— диссертацияда божхона қонунчилигининг ҳали ўз ечимини топмаган бир қанча муаммолари қайд этилиб, уларнинг ечимлари ҳақидаги тавсия ва тақлифлар олға сурилди;

— товар айирбошлаш, яъни уни божхона чегараларидан олиб ўтишда гиёҳвандлик, портловчи ва кимёвий токсин моддалар, бузғунчи, экстремистик адабиётлар ва ҳоказоларни олиб ўтувчилар кўпаяётганлиги, бинобарин, ҳар томонлама катта зарарлар келтирилганлигини ҳисобга олиб, бу соҳалардаги қонунбузарликларга нисбатан жазо чораларини жуда ҳам кескинлаштириш — кечиктириб бўлмайдиган зарурат эканлиги исботлаб берилган;

— мамлакатимизда ташқи иқтисодий фаолиятни интенсив равишда ривожлантириш мақсадларида мазкур фаолият қатнашчиларининг ҳуқуқ ва қонуний манфаатлари мавжуд қонунларда ҳанузгача акс эттирилмаган усул ва тартиблари ишлаб чиқилади.

Тадқиқотнинг амалий аҳамияти — изланиш давомида баён қилинган илмий — амалий аҳамиятга эга бўлган тақлиф ва тавсиялардан — Ўзбекистон Республикаси Давлат божхона қўмитаси томонидан божхона органлари фаолиятининг ҳуқуқий асосларини такомиллаштириш бўйича олиб борилаётган амалий ишларда,

шунингдек, ҳуқуқшунослик ва божхона иши мутахассисликлари бўйича талабаларни ўқитишда фойдаланиш мумкин.

Таъқиқот натижаларининг муҳокамадан ўтказилиши.

Диссертация материаллари бўйича: Республика божхона хизмати ходимлари томонидан 1995 йилда ўтказилган И.Каримовнинг «Ўзбекистон иқтисодий ислохотларни чуқурлаштириш йўлида» асарига бағишланган илмий – амалий конференциясида, «Божхона хизматини модернизациялаш ва унинг асосий йўналишлари» мавзусидаги Республика илмий – амалий анжуманида (1998 йил), 2002 йил 21 – 22 майда Солиқ ва божхона органлари Академиясида ўтказилган «Иқтисодий эркинлаштириш шароитида божхона тизимини такомиллаштириш йўллари» мавзусидаги Республика илмий – амалий конференциясида, 2002 йил 13 июлда Давлат божхона кўмитасида ўтказилган божхона маскани бошлиқларининг «Божхона фаолиятини такомиллаштириш, шахсий таркиб орасида хизмат интизомини мустаҳкамлашда божхона постлари бошлиқларининг ўрни ва долзарб вазифалари» мавзусида ўтказилган семинар йиғилишида ҳамда Солиқ ва божхона органлари Академиясида 2002 йил 16 – 17 октябрда ўтказилган «Халқаро иқтисодий муносабатларни ривожлантиришда солиқ механизми» мавзусидаги халқаро илмий – амалий конференцияларида маърузалар билан қатнашилган. Диссертациянинг мавзуга бевосита таалуқли бўлган масалалар муаллифнинг қуйидаги асарларида баён қилинган: «Ўзбекистонда божхона ишини ташкил этиш ва такомиллаштириш ғоялари» (монография –Т.: «Ўзбекистон» 1996 й. 175 саҳифа, 300 нусхада чоп этилган), «Организация таможенной службы в Республике Узбекистан» (–Т.: «Ташкент», 1996 г. 394 с), «Основы таможенного дела» (–Т.: «Мир экономики и права, 1998. – 400 с.), «Очиқ иқтисодий йўлидан» (–Т.: «Иқтисодий ва ҳуқуқ дунёси», 1998, 80 саҳифа), «Божхона иши асослари» (–Т.: «Иқтисодий ва ҳуқуқ дунёси», 1999, 384 саҳифа), «Ўзбекистон ХХІ аср бўсағасида божхона сисъати, тараққий омиллари» (–Т.: «ДИТАФ», 1998. 268 саҳифа), «Иқтисодий эркинлаштириш шароитида божхона тизимини такомиллаштириш йўллари» (–Т.: «ДИТАФ», 2002. 304 саҳифа), «Ўзбекистон Республикаси божхона қонунчилигини такомиллаштириш», «Иқтисодий назариясини ўрганишда миллий мустақиллик ғояларини тингловчилар онгига сингдириш», «Халқаро иқтисодий муносабатларни ривожлантиришда солиқ механизми», халқаро конференция материаллари, «ДИТАФ», 2002. 382 саҳифа, «Божхона қонунчилиги солиқ тушумларини таъминловчи воситадир», «Божхона органларининг мамлакат иқтисодий хавфсизлигини таъминлашдаги ўрни» ва «Ташқи иқтисодий фаолиятни тартибга солиш жараёнларининг самардорлигини ошириш йўллари» (И.Каримовнинг «Ўзбекистон иқтисодий ислохотларни чуқурлаштириш йўлида» асарига бағишланган

илмий – амалий конференция материаллари. – Т., 1995 йил, 4–9–бетлар). Рус тилида «Организация таможенной службы в Республике Узбекистан» (в соавторстве) монография нашр этилган (–Т., 1996. 18,7 п.л., 394 страници). «Божхона хизматини модернизациялаш ва унинг асосий йўналишлари». Асосий маъруза. «Ўзбекистон XXI аср бўсағасида: божхона сиёсати, тараққиёт омиллари». Республика илмий – амалий анжумани материаллари. (–Т., Иқтисодиёт ва ҳуқуқ дунёси нашриёт уйи. 1998, 8–17–бетлар). Ўзбекистон Республикаси божхона қонунчилигини такомиллаштириш. «Иқтисодиётни эркинлаштириш шароитида божхона тизимини такомиллаштириш йўллари» мавзусига бағишланган Республика илмий – амалий конференцияси материаллари. 2002 йил. 21–22 май. –Т., 2002. 146–148 бетлар). «Божхона хизмати ходимларининг маънавий баркамоллигини таъминлаш муаммолари». Ҷамаатчилик конференциясида; ҳаммуаллифликда. Ҷамаатчилик тўплам. 85–87–бетлар). «Иқтисодиёт назариясини ўрганишда миллий мустақиллик ғояларини тингловчилар онгига сингдириш». Ҷамаатчилик конференциясида; ҳаммуаллифликда. Ҷамаатчилик тўплам. 236–239 бетлар). Божхона қонунчилиги солиқ тушунчаларини таъминловчи воситадир. «Халқаро иқтисодий муносабатларни ривожлантиришда солиқ механизми». Халқаро илмий – амалий конференция материаллари. (–Т., 2002 йил. 276–278 бетлар).

Диссертация кириш, уч боб, 9 параграф, хотима ва фойдаланилган адабиётлар рўйхатидан иборат.

Тадқиқотнинг кириш қисмида ўрганилаётган муаммони долзарблиги, уни ўрганилганлик даражаси асослаб берилган; тадқиқотнинг мақсад ва вазифалари, предмети ва объекти, унинг услубий асослари, илмий янгилиги ва амалий аҳамияти кўрсатиб ўтилган.

Тадқиқотнинг «Ўзбекистон Республикаси божхона сиёсатининг асосий тамойиллари ва вазифалари» номли биринчи бобида Республикаимиз иқтисодиётини Жаҳон хўжалигига интеграллашувини ўзига хос хусусиятлари ва уни Президентимиз И. А. Каримов томонидан илмий асослаб берилган асосий тамойиллари ва интеграллашув жараёнида мамлакатимиз иқтисодий хавфсизлигини таъминлашга қаратилган божхона сиёсатини шаклланиши, стратегик йўналишларини белгилаш масалалари кўриб чиқилган.

«Ўзбекистон Республикаси божхона ҳудуди орқали товарларни олиб ўтишнинг тартиб – қоидалари» номли иккинчи бобида товарларни олиб ўтишда божхона ҳудуди ва божхона чегаралари тушунчалари ва уларнинг ҳуқуқий мақоми, товарларни божхона чегараси орқали олиб ўтишда улар жойлаштирилиши мумкин бўлган божхона режимларини иқтисодий моҳияти кенг қўламда таҳлил қилинган. Божхона қонунчилигига мувофиқ,

товарларни божхона чегараси ва ҳудуди орқали олиб ўтишнинг усуллари ва шартлари каби масалалар кўриб чиқилган.

Учинчи — «Ташқи иқтисодий фаолият субъектлари томонидан божхона қоидаларининг бузилиши ва ҳуқуқий жавобгарлиги» номли бобда товарларни божхона чегараси ва ҳудуди орқали олиб ўтишда содир этилиши мумкин бўлган божхона қонунбузарликларининг турлари, божхона иши соҳасида содир этилган ҳуқуқбузарликлар учун қонунчиликда белгиланган маъмурий ва жиноий жавобгарлик шакллари илмий — амалий нуқтаи назардан ўрганилган.

Шунингдек, божхона қоидаларини бузганлиги учун жавобгарликка тортилаётган ташқи иқтисодий фаолият қатнашчиларининг ҳуқуқлари ҳамда қонуний манфаатларини ҳимоя қилиш усуллари ва тартиби ўрганилган.

Тадқиқот ишининг хотимасида тадқиқ этилаётган муаммо юзасидан энг муҳим назарий хулосалар ва тавсиялар умумлаштирилган.

ДИССЕРТАЦИЯНИНГ АСОСИЙ МАЗМУНИ

Дунёда бирон — бир мамлакат ўз қобиғига ўралиб, бошқа давлатлар билан иқтисодий ҳамкорлик қилмасдан, тараққиётга эришган эмас. Ота — боболаримиз қадимда бунни яхши билишган. Шарқ ва Ғарб мамлакатларини бир — бирига боғлаган Буюк Ипак йўли ҳам доимий тижорат ва маданий алоқаларга интилиш туфайли юзага келган.

Ҳар қандай давлатнинг тараққиёт даражаси, муваффақияти, энг аввало, унинг халқаро алоқаларида яққол кўзга ташланади. Ҳозирги даврда Ўзбекистон жаҳондаги 140 дан ортиқ давлатлар билан расмий дипломатия муносабатларини ўрнатган ҳамда улар билан тенг ҳуқуқли ва ўзаро манфаатли алоқаларни йўлга қўйган. Ўзбекистон бир қатор нуфузли халқаро ташкилотларнинг тўлақонли аъзоси бўлди.

Дунё миқёсида Ўзбекистоннинг маъқеи мустаҳкамлана бориши билан ташқи иқтисодий фаолият тамойилларига аниқлик киритилди. Бугунги кунда «Ташқи иқтисодий фаолият тўғрисида» ги Қонунга мувофиқ, ушбу асосий тамойиллар куйидагилардан иборат:

— барча давлатлар, чет эл юридик ва жисмоний шахслари, халқаро ташкилотлар билан ўзаро манфаатли ҳамкорлик қилиш;

— томонларнинг тенглиги;

— ташқи иқтисодий алоқалар бўйича шерикларнинг ички ишларига аралашмаслик;

— хорижий давлатлар ва халқаро ташкилотлар билан битимлар бўйича қабул қилинган мажбуриятларни ҳалол ва аниқ бажариш;

—ҳамма томонидан эътироф этилган бошқа халқаро нормалар, қондалар ва шартларга оғишмай риоя этиш;

—давлат томонидан ташқи иқтисодий фаолият қатнашчиларининг ҳуқуқлари ва қонуний манфаатларини ҳимоя қилиш.

Мустақил ташқи иқтисодий сиёсат, қабул қилинган қонунлар ва энг муҳим тамойиллар негизида шаклланди.

Ташқи иқтисодий алоқалар, божхона чегараси орқали товарлар, хизматлар, валюта бойлиқларини доимий равишда олиб ўтиш одат тусига кирди ҳамда иқтисодий ўсишнинг энг муҳим омилга айланди. Кўплаб мамлакатларда айнан шулар миллий иқтисодиётнинг аҳволини белгилайди ва бу майл истиқболда кучаяди. Бинобарин, ташқи иқтисодий алоқаларни ривожлантиришнинг энг муҳим, асосий йўналиши бўлган божхона сиёсатини яратиш Ўзбекистон Республикасининг шакланган ва тобора мураккаблашиб бораётган ички ва халқаро бозор тамойиллари асосида дунё ҳўжалиги билан халқаро савдо алоқаларига кириб боришнинг таъминловчи самарали божхона сиёсатини шакллантиришни тақозо этди ва этмоқда.

Ташқи иқтисодий муносабатлар қатнашчилари фаолиятининг кўлами ва характери божхона тизимидан ташқи савдода рўй бераётган, олдиндан башорат қилиниши қийин бўлган ва мураккаблашиб бораётган вазиятларга мослашишни талаб этмоқда.

Шу сабабли диссертацияда таъкидланишича, божхона ишига оид меъёрний — ҳуқуқий ҳужжатларни ишлаб чиқиш ва такомиллаштириш ҳамда ташқи савдони тартибга солишга ва мамлакат иқтисодий манфаатларини ҳимоя қилишга қаратилган давлат чора — тадбирлар тизими — божхона сиёсатини белгилаш масаласи долзарб бўлиб қолмоқда.

Божхона сиёсати — миллий иқтисодиёт манфаатларидан келиб чиқиб, товарларнинг божхона чегараси орқали ҳаракатини давлат томонидан тартибга солувчи чора — тадбирлар, қондалар тизимидир.

Божхона сиёсати — бир томондан, мамлакат иқтисодиётини шакланган жаҳон иқтисодий алоқалар тизимига кириб боришини, иккинчи томондан эса, ички иқтисодиётнинг барқарор ривожланишини таъминловчи иқтисодий ва маъмурий чора — тадбирлар тизимидир.

Гарчи божхона ҳуқуқи тушунчасини ҳуқуқшуносларимиз нисбатан пухта ишлаган, аниқлаган бўлсалар ҳам улар божхона сиёсати тушунчасининг аниқ таърифини олға сурмаганлар. Бу соҳада ҳанузгача ноаниқлик, хилма — хиллик, бир — бирига зид фикрлар, субъективизм мавжуд.

Бу масала юзасидан «Божхона сиёсатини лойиҳалаш»¹ деган китобларида узундан – узоқ фикр – мулоҳаза юритган рус олимлари Н.М. Блинов, В.Н. Иванов ва бошқалар ҳам бу тушунчага аниқ, кенг қамровли, кўпчилик тан олган таърифни бермаганлар, уни четлаб ўтганлар.

Ҳатто Ўзбекистон Республикаси Божхона Кодексининг 1 – бўлим, 1 – моддаси «Божхона сиёсати» деб аталган. (Аслида бозор иқтисодиётининг И.Каримов ишлаб чиққан беш тамойилига, бинобарин, кейинчалик бутун дунё тан олган «Ўзбек модели» га биноан олдин божхона иқтисодига, сўнгра унинг сиёсатига тегишли моддалар киритиш керак эди. Чунки, божхона тизимида олдин иқтисодий масалалар, сўнг сиёсий масалалар туриши керак). Ушбу бўлимнинг 1 – моддасида бу сиёсатнинг таърифи эмас, мақсадлари қайд этилган. Бу иккиси бир хил эмаслиги ҳатто мактаб ўқувчисига ҳам маълум.

Биз бу тушунчага қуйидаги таърифни тавсия қилиб, мутахассислар ҳукмига ҳавола этамиз:

Божхона сиёсати деб, Ўзбекистон Республикаси божхона ҳудудларида иқтисоднинг сиёсатдан устунлиги тамойилига тўла риоя қилган ҳолда, самарали сиёсий назоратни ҳамда товар айирбошлашни ички ва ташқи сиёсат жиҳатидан тартибга солинган божхона иқтисодини ривожлантиришни сиёсий жиҳатдан рағбатлантиришни, ички бозорни эркинлаштириб, сиёсий таъйиқлардан сақлашга айтилади.

Иқтисодий тараққиётнинг ҳозирги босқичи: миллий иқтисодиётни минтақа ва жаҳон хўжалиги мажмуаларига интеграллашувини жадаллаштириш, товарлар ва хизматлар айирбошлаш, молиявий маблағларни айланишига кенг имкониятлар яратувчи эркин савдо ҳудудларини ташкил этиш ва халқаро шартномаларнинг аҳамиятини оширишга интилиш каби хусусиятларга эга. Бу босқичда моддий бойликлар ва молиявий маблағларнинг айланувини қатъий белгиланган тартибга солувчи, ягона қондаларга эга бўлган Жаҳон бозори шакллана бошлади. Барча мамлакатларнинг миллий иқтисодиёти маълум даражада очиқ бўлиб бормоқда ҳамда улар жаҳон меҳнат тақсимолига ва халқаро рақобатга қўшилмоқда.

Кейинги йилларда дунё бўйича савдо ҳажми, жаҳондаги ишлаб чиқаришга нисбатан кенгаймоқда; савдода хизмат кўрсатиш анча кўпайди; интеллектуал мулк объектлари савдоси сезиларли жадаллашди; мамлакатлар ўртасида пул маблағлари ва кредитлар оқими кучайиб борди. Жамиятни ахборотлаштириш, глобал ахборот тармоқларини яратиш – дунё иқтисодий оқими ҳолатини

¹ Н. Блинов, В. Иванов и др. Проектирование таможенной политики. - М., 2000. стр.30.

тубдан ўзгартириш, Жаҳон хўжалиги миқёсида — товарлар ҳаракатини тўлиқ кузатиш имконини беради.

Диссертацияда Ўзбекистон олдда турган ижтимоий — иқтисодий ва сиёсий муаммоларнинг чуқурлиги — мамлакатнинг ўзида аниқ иқтисодий, сиёсий ва маданий шарт — шароитларни ҳамда дунё тажрибасининг барча ижобий жиҳатларини мужассамлаштирган ташқи иқтисодий алоқаларни ривожлантириш йўлини танлашни олдиндан белгилаб берилганлиги таъкидлаб ўтилган.

Бу эса, ўз навбатида, божхона сиёсати алоҳида ўринни эгаллаган ташқи иқтисодий стратегия ишлаб чиқишни тақозо этарди. Давлатнинг иқтисодий тараққиётги даражаси — божхона сиёсати ва унинг қонунчилик асослари қайси йўналишда ишлаб чиқиляётган-лигидан келиб чиқиб, белгиланади. Амалдаги қонун ҳужжатларида божхона органлари зиммасига мажбурият сифатида юкланган — мамлакат товар ишлаб чиқарувчиларининг миллий манфаатларини ҳимоя қилиш вазифаси катта аҳамиятга эга.

«Мустақиллик йўлидан олға борар эканмиз, — деб таъкидлаган эди Президентимиз Ислоҳ Каримов ўзининг «Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари» номли асарида, — барқарорликни сақлаш ва иқтисодий хавфсизликни таъминлашнинг ҳал қилувчи шартлари жамиятимизнинг сиёсий, иқтисодий ҳаётини, ижтимоий соҳаларини чуқур ислоҳ қилиш ва янгилаш жараёнларини жадал амалга оширишдан иборат эканлиги аён бўлиб бормоқда».

Ўзбекистоннинг иқтисодий хавфсизлигини таъминлаш учун: миллий иқтисодиётни барқарорлаштириш, мулкчиликнинг ҳар қандай шакллари ҳимоя қилиш, тадбиркорликни ривожлантириш мақсадида тегишли шарт — шароит яратиш талаб этилади.

Ҳозирги вақтда иқтисодий хавфсизликни қуйидаги салбий жараёнлар барбод этиши мумкин: ишлаб чиқариш инқирозининг кучайиб бориши, бозорларнинг қўлдан бой берилиши, илмий — техникавий салоҳиятнинг емирилиши, иқтисодиётнинг носаноатлантирилиши, мамлакатнинг импортга нисбатан озик — овқат қарамлигининг кучайиши, ишсизликнинг ортиши, иқтисодий жиноятчиликнинг авж олиши ва ҳоказолар.

Ҳар томонлама ривожланиб бораётган халқаро нарқобизнес ва тармоқланган халқаро иқтисодий жиноятчиларнинг уюшган гуруҳларига давлатнинг ҳуқуқни ҳимоя қилувчи структуралари таркибида божхона органлари ҳам сезиларли даражада тўсиқ бўлади. Уларнинг бевосита мамлакатнинг иқтисодий хавфсизлигини таъминлаш борасидаги фаолияти қуйидаги йўналишлар бўйича ривожланади:

— мамлакат учун ўта муҳим бўлган стратегик ва бошқа товарларнинг божхона ҳудудидан олиб чиқилиши устидан божхона тартибини ва назоратини ўрнатиш;

- Республика бюджетини божхона тўловлари, солиқлари ва йиғимлари ҳисобидан тўлдириш;
- валюта назоратини амалга ошириш;
- ташқи савдо статистикаси ва махсус статистикани олиб бориш;
- контрабанда ва божхона қоидабузарликларига қарши курашиш.

Божхона органлари ТИФ да божхона тартибини ўрнатадилар, бироқ ҳозирги кунда божхона божлари ва солиқ тўловларининг мавжуд тизими — айрим товар ставкаси миқдори нуқтаи назаридан ҳам, уларни қўллаш усули жиҳатидан ҳам етарлича самара бермаётганлиги диссертацияда таъкидлаб ўтилди.

Ўзбекистон Республикасининг «Бож тарифи тўғрисида» ги Қонуни 1997 йил 29 августда қабул қилинди ва 1998 йил 1 январдан амалга киритилди. Мазкур Қонун божхона иши соҳасидаги тарихий воқеага айланди; у 35 моддадан иборат бўлиб, ташқи иқтисодий фаолиятнинг тариф бошқарувини тартибга солади.

«Бож тарифи тўғрисида» ги Қонун бож тарифини шакллантириш ва қўлланиш тартибини, шунингдек, Ўзбекистон Республикасининг божхона чегарасидан олиб ўтиладиган товарлардан бож ундириш қоидаларини белгилайди.

Мазкур Қонуннинг асосий вазифалари Ўзбекистон Республикасининг Жаҳон иқтисодиёти билан самарали интеграциялашуви учун шарт—шароит яратиш ва иқтисодий манфаатларини ҳимоя қилишдан иборатдир. Бу Қонунда бож тарифи, божхона божи (бож), бож ставкаларининг турлари, божхона қўймати ва божхона баҳоси, божхона баҳосини чиқариш усуллари, божхона преференциялари ва товар ишлаб чиқарилган мамлакат каби тушунчаларнинг мазмуни таърифлаб берилган. Ушбу Қонунга биноан бож тарифи — божхона чегарасидан олиб ўтиладиган, Ўзбекистон Республикаси ташқи иқтисодий фаолиятнинг Товар номенклатураси тамойиллари ва қоидаларига мувофиқ ҳолда бир тизимга солинган товарларга нисбатан қўлланиладиган бож ставкаларининг йиғиндисидир.

Бож тарифи тўғрисидаги Қонунни таҳлил қилиш жараёнида шуни таъкидлаш жоизки, Бу Қонуннинг қабул қилиниши Ўзбекистон Республикасининг нафақат Жаҳон иқтисодиётига интеграциялашувига, балки Республиканинг Бутунжаҳон Савдо Ташкилоти (БСТ) га аъзо бўлишига имкон яратувчи омил бўлди.

Ўзбекистон Республикасининг Божхона кодекси 1997 йил 26 декабрда қабул қилиниб, 1998 йил 1 мартдан амалга киритилди. Бу — давлатимизнинг божхона ишига оид қонунчиликни барқарорлаштириш ва тартибга солиш йўлида қўйилган учинчи қадам бўлди.

Диссертацияда Божхона Кодекси, «Бож тарифи» ва «Давлат божхона хизмати тўғрисида» ги Қонунларнинг қабул қилиниши

туфайли Ўзбекистон Республикасининг божхона қонунчилиги бир бутун, яхлит, узвий боғланган тизимга айланганлиги, божхона операциялари давомида қонунийлик ва фуқароларнинг ҳуқуқларини таъминловчи маъмурий — процессуал меъёриларнинг аҳамияти ортанлиги, кодексда божхона ишини ташкил қилишга оид энг замонавий ҳуқуқий қонун — қондалар ва меъёрлар мавжуд бўлиб, уларсиз самарали божхона қонунчилигини шакллантириш ва энг муҳими уни татбиқ қилиш мумкин эмаслиги кўрсатиб берилган.

Ташқи иқтисодий фаолиятни тартибга солишнинг Жаҳон амалиётига мос келувчи, янги қонун — қондалари (тамойиллари): тарифли бошқарув, лицензиялаш, квоталаш ва бошқалар юк айланувида бўлган товарлар устидан божхона назоратини ташкил қилишни тубдан ўзгартиришни талаб қилди. Агар илгари товарларни ўтказиш тартиботи (режим) ва тартиби (процедура) ташқи савдо битимининг субъекти ким эканлигидан келиб чиқиб белгиланса, ҳозир бундай битимнинг бош, асосий мезони объект, яъни аниқ товарадир. Қонунларга оғишмай роя қилмасдан туриб, божхона хизмати фаолиятининг самарадорлигини ошириб бўлмайди. Шу сабабли божхона органларида юридик хизматни ташкил қилиш ва ривожлантириш энг долзарб муаммолардандир. Мазкур хизматнинг ваколатларига: божхона ишининг ҳуқуқий меъёрий негизини юритиш, божхоначиларга қонун ва меъёрий ҳужжатларни тушунтириш; фуқаролар ва ташкилотларга керакли маълумотлар ва юридик маслаҳатлар бериш; маъмурий ва жиноий жавобгарлик чораларини қўллаш билан боғлиқ бўлмаган шикоятлар ва мурожаатларни кўриб чиқиш; ҳуқуқий — меъёрий ҳужжатларни ва тегишли хулосаларни текшириб чиқиб, имзолаш киради.

Божхона сиёсатини амалга ошириш самарадорлиги, божхона органларини ташкил қилишда уларнинг олдига қўйилган мақсадларга эришиш, божхона қонунчилигига роя қилиш кўп жиҳатдан божхона, ҳуқуқни муҳофаза қилиш, давлат ҳокимияти ва бошқа бошқарув идораларининг аниқ мувофиқлаштирилган, амалий тезкор, ўзаро ҳаракатлари ва ҳамкорлигига боғлиқ.

Ўзбекистон Республикаси Давлат божхона қўмитаси бошқа давлат идоралари билан ҳамкорликда доимий равишда божхона қонунчилигини қўллаш амалиётини таҳлил қилади ва умумлаштиради, Республикадаги иқтисодий вазият талабларига асосланган, амалдаги ҳуқуқий — меъёрий ҳужжатларга ўзгартиришлар ва қўшимчалар киритиш юзасидан тегишли таклифларни тайёрлайди.

Давлат божхона қўмитаси иштирокида вужудга келган маъмурий — ҳуқуқий муносабатларни кўриб чиқиб, улардан ДБК назорати остида бўлган ҳамда давлат бошқарувининг тенг ҳуқуқли, мустақил субъекти бўлган муносабатларни ажратиб кўрсатиши мумкин.

Биринчи ҳолда булар—Давлат божхона қўмитаси билан ижроия ҳокимияти бошлиғи—Ўзбекистон Республикаси Президенти, шунингдек ҳокимиятнинг олий вакиллик органи—Ўзбекистон Республикаси Олий Мажлиси ҳамда ижроия ҳокимият органи—Ўзбекистон Республикаси Вазирлар Маҳкамаси ўртасида вужудга келган муносабатлардир. ДБҚ нинг давлат раҳбари ва ижроия ҳокимияти билан ўзаро муносабатлари Ўзбекистон Республикаси Конституциясида аниқ белгилаб қўйилган.

Ўзбекистон Республикаси Конституциясининг 89—моддасига биноан, Ўзбекистон Республикаси Президенти айни вақтда Вазирлар Маҳкамасининг Раиси ҳисобланади. У ўз зиммасига юкланган ваколатларга мувофиқ; ижро этувчи ҳокимият таркибини тўзади ва унга раҳбарлик қилади. Республика Олий ҳокимият ва бошқарув органларининг ҳамжиҳат ишлашини таъминлайди, Ўзбекистон Республикаси вазирларини, давлат қўмиталари ҳамда давлат бошқарувининг бошқа органларини тўзади ва тўтатади, шу масалаларга доир Фармонларни, Олий Мажлис тасдиғига киритади². Ўзбекистон Республикаси Президенти Конституцияга биноан: Бош Вазир, унинг биринчи ўринбосари, ўринбосарларини, Вазирлар Маҳкамаси аъзоларини тайинлайди ва уларни лавозимдан озод қилади³, Республика бошқарув органларининг, шунингдек ҳокимларнинг қабул қилган ҳужжатларини тўхтатади ва бекор қилади⁴, Ўзбекистон Республикасининг қонунларини қабул қилади ҳамда бекор қилади⁵.

Ўзбекистон Республикаси Конституцияси ва қонунлари асосида уларни ижро этиш мақсадида эълон қилинадиган Президент Фармонларида кўпинча директивалар ҳам, аниқ вазифалар ҳам мавжуд. Бу ҳолда Ҳукумат ва Давлат божхона қўмитаси фаолиятининг уйғунлиги, мувофиқлиги таъминланади.

Ўзбекистон Республикаси Олий Мажлиси билан Давлат божхона қўмитаси ўртасидаги ўзаро муносабатлар ҳақида сўз юритилганда, шунини таъкидлаш жоизки, биринчидан Олий Мажлис Ўзбекистон Республикаси Конституциясига асосан унинг ваколатларига тааллуқли ҳар қандай масалани кўриб чиқиш ҳуқуқига эга. Жумладан, солиқлар, божлар ва мажбурий тўловларни жорий қилиш⁶.

Иккинчидан, Ўзбекистон Республикаси Конституциясининг 19—боби 78—моддасига биноан ва «Ўзбекистон Республикаси Олий Мажлиси тўғрисида» ги конституциявий Қонуннинг 19—боби 4—моддасига биноан, Олий Мажлис Ўзбекистон Республикаси

² Ўзбекистон Республикаси Конституцияси: 93—модда, 8—боб.

³ Ўзбекистон Республикаси Конституцияси: 93—модда, 14—боб.

⁴ Ўзбекистон Республикаси Конституцияси: 93—модда, 13—боб.

⁵ Ўзбекистон Республикаси Конституцияси: 93—модда, 14—боб.

⁶ Ўзбекистон Республикаси Конституцияси: 78—модда, 8—боб.

Президентининг давлат қўмиталари ва бошқа давлат бошқарув органларини тузиш ва тугатиш ҳақидаги Фармонларини тасдиқлайди. Бундан ташқари, Олий Мажлиснинг мутлақ ваколатига Ўзбекистон Республикасининг қонун чиқарувчи, ижро этувчи ва суд ҳокимиятлари тизимини ва ваколатларини белгилаш киради⁷.

Давлат божхона қўмитаси кундалик фаолияти мобайнида давлат бошқаруви ҳамда давлат назорати функцияларини бажара бориб, кўпинча бошқа давлат бошқарув идоралари билан ҳам ўзаро муносабатда бўлади. Бозор иқтисодиёти шароитида бож — тариф ва нотариф бошқаруви (тартиботи) — ички ва ташқи сиёсатнинг энг муҳим таркибий қисмлари (элементлари) дан биридир. Ушбу ҳолни амалий жиҳатдан барча ҳокимият ва бошқарув идоралари турли даражада ҳисобга олишга мажбурдирлар. Мазкур ҳолат Давлат божхона қўмитаси томонидан бошқа идоралар билан турли — туман муносабатлар ўрнатилишининг ҳаётий заруратини келтириб чиқаради.

Давлат божхона қўмитаси билан Молия вазирлиги ўртасидаги амалий ҳамкорликни намуна сифатида кўрсатиш мумкин. Авваламбор, мазкур органлар олдидан турган мақсад ва вазифаларнинг умумийлигини таъкидлаш зарур. Жумладан, Молия вазирлиги, Ўзбекистон Республикаси молия тизими таркибига кирувчи идораларни бошқариш жараёнида давлатнинг бюджет сиёсатини белгилайди.

Ўзбекистон Республикасининг божхона ва молия органлари божхона тўловларининг ўз вақтида, тўлиқ ва тўғри ундирилишини назорат қиладилар. Республика божхона идоралари ва банклари ўртасида мустаҳкам ва самимий ҳамкорлик ўрнатилган. Чунинчи, улар биргаликда валюта операцияларининг амалдаги қонун ҳужжатларига мувофиқлигини, лицензиялари (рухсатномалари) нинг мавжудлигини, резидентлар томонидан бюджетга божхона тўловларини ўтказиш бўйича ўз мажбуриятларининг бажарилишини, хорижий валютадаги тўловларининг асослантилганлигини, валюта операциялари бўйича ҳисоб — китобларнинг тўлиқлиги ва тўғрилигини текшириш ҳамда назорат қилиш ишларини амалга оширадилар.

Божхона қонунчилигига риоя қилишни таъминлаш мақсадида, банклар ва бошқа молия — кредит ташкилотлари:

— ҳужжалик субъектларининг бюджетга божхона тўловларини ўтказиш бўйича ўз мажбуриятларини бажариш ҳақидаги божхона органларининг хулосасига кўра ушбу субъектларнинг ҳисоб — китоб ва бошқа рақамларни ёпиб қўйишлари мумкин;

— божхона органларининг, ҳужжалик субъектларидан белгиланган муддатларда тўланмаган божхона тўловлари ва

⁷ Ўзбекистон Республикаси Конституцияси: 78 — модда, 4 — боб.

жарималарини сўзсиз ундириш ҳақидаги фармойишлари — (инкассация) ни бажарадилар;

— хўжалик субъектларидан сўмдаги пул маблағлари етишмаган тақдирда ҳамда уларнинг банкдаги ҳисоб рақамларида валюта мавжуд бўлса — божхона органларининг тақдимномасига кўра бюджетга кирим қилинадиган қарзларни тўлаш учун зарур бўлган миқдордаги валюта маблағини валюта биржасидан сотув кунигадаги курс бўйича сўмга алмаштирилади.

Хўжалик субъектларининг айби билан божхона тўловларини ва жарималарни ундириш кечиктирилса, шунингдек, банк ёки молия — кредит ташкилотларининг айби билан хўжалик субъектлари ёки божхона органларининг божхона тўловларини ўтказиш ёки қайтарилиши бўйича топшириқлари бажарилмаса ёки кечиктирилса, хўжалик субъектларидан, банкдан ёки молия — кредит ташкилотларидан белгиланган тартибда жарима (пеня) ундирилади.

Ўзбекистон Республикаси Давлат божхона қўмитасининг бош вазифаси ҳисобланган Ўзбекистон Республикаси божхона қонунчилигига риоя қилиниши устидан назоратни амалга ошириш жараёнида кўп ҳолларда Республикадаги бошқа ҳуқуқни муҳофаза қилиш органлари тизими билан муайян ўзаро ҳамкорлик қилиш зарурати туғилади. Ўзбекистон Республикаси Миллий хавфсизлик хизмати (МХХ), Ўзбекистон Республикаси Ички ишлар вазирлиги (ИИВ), Ўзбекистон Республикаси Бош прокуратурасининг бўлимлари билан амалий ҳамкорлик қилиш — уларнинг умумий вазифаси бўлган мамлакат иқтисодий манфаатларини ҳимоя қилишдан келиб чиқади. Юқорида баён қилинган ҳар бир ҳуқуқни муҳофаза қилиш органи ўз ваколатлари доирасида иқтисодий жиноятлар ҳақида тегишли воситалар ва усуллар ёрдамида керакли маълумотлар тўплайди, уларни таҳлил қилади ва аниқланган ҳуқуқбузарликларга ўз муносабатини билдиради.

Республиканинг иқтисодий манфаатлари ва мулкӣ ҳуқуқ — ларини ҳимоя қилишга, тадбиркорликни ҳимоя қилишга, ягона божхона сиёсатини ўтказишга қаратилган чора — тадбирларни амалга ошириш мақсадида, Ўзбекистон Республикаси Бош прокуратураси, МХХ, ИИВ божхона қонунчилиги соҳасидаги жиноятларни кечиктирмай, зудлик билан тергов қилинишини ташкил этадилар.

Ўзбекистон Республикаси прокуратураси божхона идораларидан ҳуқуқни муҳофаза қилиш органларига юбориладиган материалларни кўриб чиқилиши устидан амалий назоратни таъминлаши ҳамда ушбу материаллар бўйича қўзғатилган жиноий ишларнинг судлар томонидан кўриб чиқилиши чоғида прокуратуранинг албатта иштирок этишини таъминланган ҳолда, тергов ишларининг юритилиши, тўлиқлиги, сифати ва муддатла — рини қаттиқ назорат қилиб бориши лозим.

Божхона, қонунбузарликларига қарши курашда юқориди айтиб ўтилган ҳуқуқни муҳофаза қилиш органларининг кучларини бирлаштириш: барча воситалар, ҳаракатлар, тажрибали мутахассисларни бир ерга жамлаш, қидирув ишлари билан кўпроқ объектларни қамраб олиш, ҳар бир органдан тўлиқроқ ва яхшироқ фойдаланиш каби кенг имкониятлар яратади.

Диссертацияда Ўзбекистон Республикаси божхона ҳудуди ва божхона чегаралари орқали товарларни олиб ўтишда божхона ҳудуди ва божхона чегаралари тушунчаларини аниқ белгилаш лозимлиги кўрсатиб ўтилган.

Божхона ҳудуди деганда давлат ҳудуди тушунилади, яъни ушбу ҳудуд Ер шарининг бир қисми бўлиб, давлатга тегишлидир; давлат шу ҳудуд доирасида ўзининг ҳудудий устулиги (раҳбарлиги) ни амалга оширади. Давлат божхона ҳудудида божхона иши нисбатан алоҳида (фавқулодда) юрисдикцияга эга; бунинг маъноси шуки, божхона ҳудуди ҳуқуқий тартиботи (режими) нинг асосини ҳам, давлат ҳудудининг ҳуқуқий асоси каби давлат суверенитети ташкил қилади. Божхона ҳудудида тўлиқ ҳажмда: (тўлалигича) ягона божхона қонунчилиги, ягона бож тарифлари ҳамда ташқи иқтисодий фаолиятни давлат томонидан бошқаришнинг бошқа воситалари амал қилади.

Бирок, божхона ҳудуди тушунчаси давлат ҳудуди тушунчаси билан бир хил маънони англатмайди. Бир қатор ҳолларда божхона ҳудудидан давлат ҳудуди майдонлари ажратилиши ва аксинча, давлат чегарасидан ташқарида жойлашган майдонлар қўшилиши мумкин. Бундай майдонлар таркибий жиҳатдан давлат ҳудудига кирмагани ёки, айрим ҳолларда, давлат ҳудудидан бўлиб ҳисоблангани ҳолда, унда амалда бўлган тартиботи маъносидан келиб чиққани ҳолда давлат божхона ҳудудидан ташқарида ҳисобланади.

Ўзбекистон Республикаси ҳудудида эркин божхона зоналари ва эркин омборлар бўлиши мумкин, уларнинг ҳудудлари, агар қонун ҳужжатларида бошқача тартиб назарда тутилмаган бўлса, Ўзбекистон Республикаси божхона ҳудудидан ташқарида жойлашган деб қаралади.

Эркин божхона зонаси шундай режимки, бунда чет эл товарлари муайян ҳудудлар ва жойларда бож, солиқлар ва иқтисодий сиёсат чоралари қўлланилмасдан жойлаштирилади ва ишлатилади. Эркин божхона омбори деганда, чет эл товарлари тариф ва нота-риф бошқаруви чоралари қўлланилмасдан сақланадиган ёпиқ бино ёки очиқ майдонча тушунилади. Ўзбекистон товарлари эса, экспорт режимига мувофиқ олиб чиқишда қўлланиладиган шартларга кўра жойлаштирилади ва ишлатилади.

Умумий қоидага биноан, эркин божхона зонаси ва эркин омбор ҳудудлари Ўзбекистон Республикаси ҳудудидан ташқарида жойлашган деб ҳисобланади. Божхона ҳуқуқи нуқтаи назаридан

улар «божхона» чегарасидан ташқаридадирлар. Божхона ҳудудининг аниқланишига божхона иттифоқларининг тузилиши жиддий таъсир кўрсатиши мумкин. Божхона иттифоқи — икки ёки ундан ортиқ давлатлар ўртасида: божхона чегараларини тугатиш ҳамда умумий божхона чегаралари; бу ерда товарларнинг эркин айлануви, бошқа мамлакатларга нисбатан тариф ва нотариф бошқарувининг ягона чораларига эга бўлган умумий божхона ҳудудини ташкил этиш тўғрисида тузилган битимдир.

Тариф ва савдо бўйича Бош битим (ГАТТ) да ягона божхона ҳудудини яратиш божхона иттифоқига қўйиладиган ягона энг муҳим халқаро ҳуқуқий талаблардан бири сифатида қатъий белгилаб, мустаҳкамлаб қўйилган. Шу сабабли божхона иттифоқига аъзо бўлган давлатларнинг божхона ҳудудлари ўз мустақиллигини йўқотади; бундай уюшма ягона иттифоқ божхона ҳудудини вужудга келтиради.

Давлатнинг божхона ҳудуди сарҳадлари божхона чегараси билан белгиланади: божхона чегараси Ўзбекистон Республикаси божхона ҳудуди чегарасидир.

Божхона чегараси амалий жиҳатдан давлат чегараси билан мос келиши ҳам, мос келмаслиги ҳам мумкин. Бироқ барча ҳолатларда ҳам божхона чегараси тушунчаси давлат чегараси тушунчаси билан бир хил маънони англатмайди.

Давлат чегараси — ушбу чегара сарҳадларини белгиловчи жойдаги ҳақиқий (реал) чизиқ бўлиб, мазкур чизиқ бўйича ўтувчи вертикал юзадир.

Божхона чегараси деганда божхона ҳудудини чегараловчи, тасаввур этиладиган (шартли) чизиқ тушунилади. Божхона ҳудуди сарҳадлари, шунингдек, эркин божхона зоналари ва эркин омборларнинг теғралари Ўзбекистон Республикасининг божхона чегараси ҳисобланади.

Ташқи ва ички чегаралар мавжуд. **Ташқи божхона чегаралари** қўшни давлатларнинг божхона ҳудудларини ажратади. У эркин божхона зоналари ва эркин омборларнинг теғраларидан ташқари, давлат чегарасига мос келади. Ташқи божхона чегарасида давлат чегараси ҳақидаги қонун ҳужжатлари билан белгиладиган маъмурий божхона тартиботи (режими) амал қилади.

Ички божхона чегаралари эркин божхона зоналари ва эркин омборларнинг теғраларини ҳосил қилади; улар мамлакат божхона ҳудуди ичкарисидан ўтади.

Ички божхона чегаралари ўзининг маъмурий — ҳуқуқий мақомига кўра, ташқи божхона чегараларига тенглаштирилган: эркин божхона зонаси, эркин омборларнинг ҳудудлари чегарадан ташқарида жойлашган деб ҳисобланиб, ушбу ҳудудларга фақат махсус назорат қилиш — ўтказиш (КПП) жойлари орқали руҳсатнома билан кириш мумкин. Аммо ички божхона

чегараларини чегара кўшинлари эмас, балки божхона органлари, эркин божхона зонаси маъмурияти билан биргаликда қўриқлайди.

Ўзбекистон Республикаси Божхона Кодексининг 8 — моддасида энг асосий тамойил (принцип) қайд этилган бўлиб, унга мувофиқ, Ўзбекистон Республикасининг Божхона Кодексида назарда тутилган тартибда барча шахслар, агар қонун ҳужжатларида бошқача тартиб жорий қилинмаган бўлса, товарлар ва транспорт воситаларини Ўзбекистон Республикасига олиб кириш ва Ўзбекистон Республикасидан олиб чиқишда (шу билан бирга, ташқи иқтисодий фаолиятни амалга оширишда) тенг ҳуқуқларга эгадирлар.

Товарлар ва транспорт воситаларини божхона чегараси орқали олиб ўтиш уларнинг божхона режими (тартиботлари) га мувофиқ амалга оширилади. Божхона режими — божхона мақсадларида Ўзбекистон Республикаси божхона чегараси орқали олиб ўтиладиган товарлар ва транспорт воситаларининг мақомини белгиловчи қонун — қоидалар мажмуидир. Улар товарларни расмийлаштириш, божхона тўловларини ундириш ва бошқаларга оиддир.

Диссертацияда таъкидланишича, юридик нуқтаи назардан келтирилган меъёрий таърифга айрим аниқликлар киритиш мақсадга мувофиқ бўлур эди, жумладан, унда божхона режими мазмунини ташкил қилувчи икки энг муҳим тартиб — қонда назарда тутилмаган. Биринчиси, мамлакат божхона органлари томонидан қўлланиладиган қонун — қоидалар мажмуи — жисмоний ва юридик шахсларнинг Ўзбекистон Республикаси божхона чегараси орқали товарларни олиб ўтиш мақсадини танлашга боғлиқдир. Иккинчиси, аниқ божхона режими, ўз навбатида, Ўзбекистон Республикаси ҳудудида олиб кириладиган, транзит йўли билан олиб ўтиладиган ёки унинг ташқарисига олиб чиқиладиган, жисмоний ва юридик шахсларга қарашли товарлар ва транспорт воситаларини божхона расмийлаштирувидан ўтказиш бўйича мазкур шахсларнинг ҳуқуқларини белгилаб беради. Бозор иқтисодиёти шароитида хусусий мулкчилик ҳамда маънавий ва моддий бойликларга эгалик қилиш ҳуқуқи масалалари, аниқ ҳуқуқий институтлар томонидан меъёрий ҳужжатлар ишлаб чиқилишида ҳисобга олинини шарт.

Ўзбекистон Республикаси Божхона Кодекси товарлар ва транспорт воситалари божхона режими турларининг қуйидаги умумий рўйхатини ўз ичига олган:

1. Эркин муомалага чиқариш (импорт).
2. Ренпорт.
3. Экспорт.
4. Резпорт.
5. Транзит.
6. Вақтинча олиб кириш (олиб чиқиш).
7. Вақтинча сақлаш.
8. Божхона омбори.
9. Эркин божхона зонаси.
10. Эркин омбор.
11. Бож олинмайдиган савдо дўкони.
12. Божхона ҳудудида қайта ишлаш.
13. Божхона назорати остида қайта ишлаш.
14. Божхона ҳудудидан ташқарида қайта ишлаш.
15. Йўқ қилиш.
16. Давлат фойдасига воз кечиш.

Божхона режимларини икки асосий гуруҳга бўлиш мумкин: биринчи гуруҳга шундай режимлар кирадики, уларга қўйилган товарлар юк олиб ўтувчининг тасарруфига тўлиқ ўтади, яъни ушбу гуруҳ божхона режимлари тугал хусусиятга эга бўлади. Булар эркин муомалага чиқариш (импорт), экспорт, реимпорт, реэкспортдир.

Иккинчи гуруҳга оид божхона режимларида божхона органлари томонидан белгиланган шартларга қатъий риоя қилган ҳолда, товарлардан фақат қатъий, муайян мақсадларда фойдаланишга йўл қўйилади. Мазкур гуруҳга божхона омбори, бож олинмайдиган савдо дўкони, транзит, вақтинча олиб кириш (олиб чиқиш), эркин божхона зонаси, эркин омбор, давлат фойдасига воз кечиш, йўқ қилиш, қайта ишлаш киради.

Товарлар ва транспорт воситаларини Ўзбекистон Республикаси божхона чегараси орқали олиб ўтиш уларнинг божхона режимларига мувофиқ амалга оширилади.

Ҳозирги вақтда божхона ҳудудида товарларни қонуний расмийлаштиришда 16 турдаги божхона режимидан фойдаланилади. Лекин, чет мамлакатларда жойлашган Ўзбекистон ваколатхоналарига ва чет давлатлардаги Ўзбекистонга тегишли бўлган савдо дўконларига юбориладиган товарлар вақтинча олиб чиқиш режимида расмийлаштирилиши бир қатор иқтисодий ҳуқуқбузарликларни келиб чиқишига сабаб бўлмоқда. Бундай жиноятларнинг олдини олиш учун Ўзбекистоннинг чет эллардаги ваколатхоналари ва савдо дўконларига юбориладиган товарлар учун алоҳида божхона режими ишлаб чиқиш ва амалиётга татбиқ этиш орқали бир қатор иқтисодий жиноятларга барҳам бериш мумкин.

Товарлар ва транспорт воситаларини божхона назоратидан яширинча, божхона чегарасининг божхона органлари томонидан белгиланмаган жойдан, божхона расмийлаштирувини амалга оширишнинг божхона органлари тайинлаган вақтидан ташқари ўзбошимчалик билан божхона чегарасидан олиб ўтиш ва ҳоказо ғайриқонуний хатти — ҳаракатларнинг мураккаб белгиларидандир.

Диссертацияда божхона органларининг мамлакат суверенитети ва давлат хавфсизлигининг иқтисодий асоси дахлсизлигини таъминлаш, Ўзбекистон халқи манфаатларини ҳимоя қилиш ҳамда божлар, йиғимлар ва солиқларнинг баъзи турларини ундириш йўли билан Республика бюджетини бойитиш каби вазифаларни бажариши қонун даражасида белгилаб қўйилганлиги кўрсатиб ўтилган.

Ўзига юклатилган вазифаларни бажариш жараёнида божхона органлари божхона қонунчилигининг аниқ бажарилиши ва унинг бузилишига қаратилган ҳар бир ҳолатларни бартараф этиш чораларини кўради.

Божхона иши соҳасида содир этилган ҳуқуқбузарликлар учун қонунчиликда маъмурий ва жиноий жавобгарликлар назарда тутилган.

Ўзбекистон Республикаси Божхона Кодекси қабул қилинганга қадар, божхона органлари божхона ҳуқуқ-бузарликлари учун маъмурий жавобгарликка тортиш ҳақидаги масалаларни ҳал қилишда, асосан маъмурий қонунчилик меъёрларининг умумий қоидаларига амал қилар эдилар (Ўзбекистон Республикасининг Маъмурий жавобгарлик тўғрисидаги Кодекси).

Ўзбекистон Республикаси Божхона Кодексининг қабул қилиниши, маъмурий ҳуқуқнинг асосий, муҳим қоидалари ва тамойилларидан келиб чиқиб, божхона тартиблари (процедуралари)нинг асосий қоидаларини белгилади, жавобгарлик субъектлари ҳақидаги масалаларни тартибга солиш (юридик шахс жавобгарлиги; бир ҳуқуқбузарлик содир этганлик учун жавобгарликнинг икки субъектчилиги) ни ҳамда бир неча божхона қоидабузарликлари содир этилганда жазо бериш тартибини ва кўплаб бошқа қоидаларни жиддий ўзгартирди.

Диссертацияда таъкидланишича, бажарилишининг назорати Ўзбекистон Республикаси божхона органларига юклатилган Ўзбекистон Республикасининг божхона иши ва халқаро шартномалари бўйича қонун ҳужжатларида, Ўзбекистон Республикаси Божхона Кодекси, «Бож тарифи тўғрисида» ги Қонуни ва бошқа ҳужжатларда белгиланган Ўзбекистон Республикаси божхона чегараси орқали олиб утилдиган товарлар ва транспорт воситаларини божхона назоратидан ва божхона расмийлаштирувидан ўтказиш, божхона тўловларини ҳисоблаш ва уларни ундириш, божхона имтиёзларини бериш ва улардан фойдаланиш ҳамда божхона режимларини қўллаган ҳолда ушбу товарлар ва транспорт воситаларини божхона чегараси орқали олиб ўтиш тартибларига тажовуз қилувчи шахснинг гайриқонуний ҳаракати ёки ҳаракатсизлиги божхона қоидаларининг бузилиши, — деб тан олинади. Бундай қоида — бузарликлар учун Божхона Кодексида жавобгарлик назарда тутилган.

Мазкур таъриф — божхона ишининг ҳуқуқий асосларини белгилаб берувчи қонун ҳужжатларини, шунингдек, гайриқонуний (гайриҳуқуқий) тажовуз объектларини санаб ўтади.

Ушбу мураккаб тушунчадан келиб чиқиб, қуйидагилар божхона қоидаларининг бузилиши деб тан олинади:

1) Ўзбекистон Республикасининг Божхона Кодекси, «Бож тарифи тўғрисида» ги Қонуни, бошқа қонун ҳужжатлари ва халқаро шартномаларида белгиланган божхона назоратига тажовуз қилувчи шахснинг гайриқонуний ҳаракати ёки ҳаракатсизлиги;

2) Товарлар ва транспорт воситаларини божхона режимларини қўллаган ҳолда Ўзбекистон Республикаси божхона чегараси орқали олиб ўтиш тартибига тажовуз қилувчи шахснинг гайриқонуний ҳаракати ёки ҳаракатсизлиги;

3) Ўзбекистон Республикаси божхона чегарасидан олиб ўтиладиган товарлар ва транспорт воситаларини божхона расмийлаштирувдан ўтказиш тартибига тажовуз қилувчи шахснинг гайриқонуний ҳаракати ёки ҳаракатсизлиги;

4) Божхона тўловларини ҳисоблаш ва уларни ундириш; божхона имтиёзларини бериш ва улардан фойдаланиш тартибига тажовуз қилувчи шахснинг гайриқонуний ҳаракати ёки ҳаракатсизлиги.

Юқорида санаб ўтилган божхона ҳуқуқбузарликларининг алоҳида олинган ҳар бир гуруҳи ёки уларнинг бошқа белгилар билан биргаликда мавжудлиги божхона қонунбузарликларининг тегишли таркибларини ташкил қилади.

Башарти, ҳуқуқбузарликларнинг хусусиятига кўра Ўзбекистон Республикасининг қонунчилигига мувофиқ, жиноий жавобгарлик келиб чиқмаса — божхона қондаларини бузганлик (БҚБ) учун маъмурий жавобгарлик белгиланади.

Ҳуқуқбузарлик енгиб бўлмас куч таъсирида содир этилган ҳоллардан ташқари, корхона, муассасалар ва ташкилотлар, юридик шахс ташкил этмасдан тадбиркорлик фаолияти билан шуғулланаётган шахслар, шунингдек, жисмоний ва мансабдор шахслар БҚБ учун жавоб берадилар.

Ҳуқуқбузарлик содир этилган пайтда ўн олти ёшга тўлган, ақл расо жисмоний шахслар БҚБ учун жавобгардирлар.

Агар мансабдор шахсларнинг хизмат вазифаларига — улар томонидан ҳуқуқбузарлик содир этилган пайтда, ижросини назорат қилиш Ўзбекистон Республикаси божхона органлари зиммасига юклатилган Ўзбекистон Республикаси Божхона Кодекси, божхона иши бўйича Ўзбекистон Республикасининг бошқа қонун ҳужжатларида ва халқаро шартномаларида белгиланган талабларнинг бажарилишини таъминлаш кирса, мазкур мансабдор шахслар БҚБ учун жавобгар бўлиши мумкин.

Божхона қондалари бузилганлиги учун жавобгарликка тортилган шахс:

— қандай божхона қондалари бузилганлиги учун жавобгарликка тортилаётганлигини билишга;

— божхона қондабузарликлари ҳақидаги ишни кўриб чиқиш жараёнида, ушбу иш тугагач, материаллар билан танишишга, улардан кўчирмалар олишга;

— тушунтиришлар беришга;

— исбот — далиллар келтиришга;

— рад қилишга;

— илтимосномалар баён қилишга;
 — ишни кўриб чиқишда, уни юритишда ҳамда Ўзбекистон Республикаси Божхона Кодексида назарда тутилган ҳолларда адвокат хизматидан ёки бошқа шахснинг юридик ёрдамидан фойдаланишга;

— ўз она тилидан, кенг тарқалган бошқа тилдан, шунингдек, таржимон хизматидан фойдаланишга;

— иш юзасидан чиқарилган қарор устидан шикоят қилишга;

— Ўзбекистон Республикаси Божхона Кодексида назарда тутилган бошқа ҳуқуқлардан фойдаланишга ҳақлидир.

Мазкур диссертациянинг ҳар бир боби охирида қисқа хулосалар чиқариб, ёзилганлиги сабабли ушбу Хотимада мухтасар назарий умумлашмалар баён этиш ва экспорт—импорт муносабатларини янада такомиллаштириш, товар алмаштириш соҳаларидаги муаммолар, жумладан қонунбузарликларга мумкин қадар барҳам бериш ва ҳоказолар учун амалий тавсиялар олға суриш билан чекланилган.

2001 йил 29 августда Олий Маждиснинг IV сессиясида «Жисмоний жазоларни либерализациялаш муносабати билан Ўзбекистон Республикасининг Жиноят, жиноят—процессуал кодекслари ва Маъмурий жавобгарлик ҳақидаги кодексга қўшимчалар киритиш хусусида» ги қонуннинг қабул қилиниши Жиноят кодексининг «божхона қонунчилигининг бузилиши» тўғрисидаги 182—моддасига тузатишлар киритилишига ижобий сабаб бўлди.

Мазкур модданинг 1—қисмида божхона чегараси орқали товарларни, бошқа бойликларни божхона назоратини четлаб ёки яшириб, ҳужжатларни қалбакилаштириш ёки божхона идентификацияси воситаларини алмаштириб қўйиш йўллари билан фойдаланишлар учраб туриши қайд қилинган; бундай ҳолларда жиноий жазо энг кам иш ҳақи миқдорининг 300 баробаригача жазо жаримаси, 2 йилгача ахлоқ тузатиш ишлари ёки 5 йилгача озодликдан маҳрум қилиш тарзида белгиланган.

Ушбу модда 2—қисми бўйича кўзда тутилган жазо чоралари анча енгиллаштирилган. Тегишли параграфда буни исботлайдиган далиллар келтирилган.

Божхона қонунларининг адолатпарварлик ва инсонпарварлик фазилатлари шундаки, уларда божхона органларининг ҳуқуқни муҳофаза қилиш фаолияти давлат назоратининг энг муҳим шаклларида бири бўлиб, у жисмоний ва юридик шахсларнинг ҳуқуқларини ҳимоя қилишга йўналтирилган.

Божхона органлари ҳуқуқни муҳофаза қилиш мақомига эга бўлиб, уларга ўз ҳудудларида божхона ишларини мустақил ҳал қилишларига имконият берилиб, ортқча васийликлар, буйруқбозликларга барҳам берилган.

Давлат божхона қўмитаси қонунчиликка ва конституциявий меъёрларга кўра иқтисодий хавфсизликни таъминлаш, юридик ва жисмоний шахсларнинг ҳуқуқларини ҳимоя қилиш мақсадида ташкилий — ҳуқуқий тадбирлар кўриш ҳуқуқига эга.

Божхона органи ҳуқуқни муҳофаза қилувчи идора эканлигидан келиб чиқиб, божхона хизмати ходими ўз хизмат вазифаларини тўлақонли адо этишини таъминлаш учун МЖТК нинг 194 ва 195 — моддаларига божхона органлари мансабдор шахсларининг ҳуқуқий кафолатини таъминловчи қўшимчалар киритиш таклиф этилди. Ушбу қўшимчалар «194—1—Божхона органи мансабдор шахсининг қонуний талабларини бажармаслик» ва «195—1—Божхона органи мансабдор шахсларининг ўз хизмат бурчларини бажаришга қаршилик кўрсатиши» тарзида қўшимчалар киритиш таклиф этилди.

Диссертациянинг II бобида қайд этилган тартиб — қоидалар муайян божхона ҳудудида ва унинг чегараларида жорий этилади. Божхона ҳудуди деб, давлат ихтиёридаги ҳудудга айтилади; давлат шу ҳудуд доирасида ўзининг ҳудудий устунлиги яъни, раҳбарлигини амалга оширади.

Божхона чегараси бу чегара сарҳадларини, бу чизиқлар орқали ўтказиладиган вертикал сирт (юза) бўлиб, булар ташқи ва ичкига бўлинади.

Мавжуд товарларни божхона ҳудуди орқали олиб ўтишнинг муайян расмий режимлари бир бўлиб, Божхона Кодексининг 8 — моддасида энг асосий тамойил сифатида қонулаштирилган ва тавсифланган.

Божхона Кодексида унинг режимини таллаш ва ўзгартириш принциплари аниқ — равшан белгиланганлиги таъкидланган. Ушбу кодексда товарларни чегаралардан олиб ўтишнинг усул ва шартлари, бу соҳадаги тақиқ ва чеклашлар, буларнинг жойлари, вақтлари ҳам белгилаб қўйилганлиги исботланган.

Амада қўлланилаётган божхона режимлари ҳуқуқий жиҳатдан таҳлил қилиниб, Божхона режимларига 17 — божхона режимини киритиш таклиф этилмоқда. Чунки, ҳозирги вақтда Ўзбекистоннинг кўплаб чет давлатлардаги ваколатхоналари ҳамда савдо шахобчаларига товарлар вақтинча олиб чиқиш режимида мунтазам равишда жўнатилади. Бундай товарларни алоҳида ҳисобга олиш ва ҳуқуқий кафолатини таъминлаш мақсадида чет давлатлардаги ваколатхона ҳамда савдо шахобчаларига юбориладиган товарлар учун алоҳида 17 — божхона режими жорий этиш ҳақида таклиф киритилди.

Ташқи иқтисодий фаолият субъектларининг божхона қоидаларини бузишлари ва уларнинг жавобгарлик даражалари таҳлил этилган ва шарҳланган; товарларни божхона чегараларидан олиб ўтишда ТИФ қатнашчилари содир этадиган

қонунбузарликларнинг энг кўп тарқалган шакллари; БҚБ учун жавобгарликни енгиллаштирувчи ва оғирлаштирувчи омилар аниқланган.

Божхона қонунларини бузганлик учун юридик ва жисмоний шахсларнинг жавобгарликлари қандай даражада, бериладиган жазолар эса қай тарзда бўлиши мумкин ва лозимлиги Ўзбекистон Республикаси Божхона Кодекси асосида тавсифланган ва шарҳланган.

Божхона қоидабузарлигини содир этган жисмоний ва юридик шахслар, ҳатто ажнабийларнинг маъмурий жавобгарлик шакллари ва жазолар олиш даражалари батафсил тавсифланган.

Диссертацияда экспорт—импорт муносабатларини янада такомиллаштириш, товар алмаштириш соҳаларидаги қонунбузарликларга барҳам бериш ҳамда божхона ходимлари хавфсизлигини таъминлашнинг қуйидаги амалий тавсиялари олға сурилган:

1. Божхона ходимидан ҳар бирининг хизмат қиладиган жойида унинг учун хавфсиз шароитлар яратиш, техника хавфсизлигига қатъий риоя қилиш бўйича расмий йўриқномаларга жиддий амал қилишини, буларнинг ҳуқуқий бурчи эканлигини англашлари мақсадга мувофиқ деб ҳисоблаймиз.

2. Божхона ходимининг ҳуқуқий кафолатларини таъминлаш мақсадида, МЖТК нинг 194 ва 195—моддаларига божхона ходимига доир тегишли қўшимчалар киритиш мақсадга мувофиқдир.

3. Божхона текширувидан ўтказиш учун қадоқланган юкларни очиб кўрсатиш, текширилгандан сўнг юкларни қадоқлаш йўловчи ёки унинг ҳамроҳи бажарадиган вазифа деб ҳисобланишини, бунинг акси кузатилишига йўл қўймасликни, юкларни очиб кўриш ва қадоқлаш уларни олиб ўтаётган шахслар иштирокда амалга оширишни тавсия қиламиз, токи уларда бу тадбир ҳақида шубҳа туғилмасин, юклардаги ҳар хил ашёлардан шикастланишларининг олди олинсин.

4. Божхона ходимлари товарларни олиб ўтувчилардан кутиш эҳтимоли бўлган озгаки ҳақоратлар, жисмоний шикаст етказиш чоралари кўриш ҳақидаги дўқ—пўписа ва ҳоказоларга доим тайёр туришлари лозим деб ҳисоблаймиз.

5. Божхона тизимига доир янги қонун, фармон, қарор ва ҳоказолар эълон қилинганда уларнинг шарҳи ҳам эълон қилиниши тақлиф этилади.

6. Божхона масканлари ҳам «Давлат божхона хизмати тўғрисида» ги қонунга биноан юридик шахс мақомига эга эканлиги инobatга оlinиб, МЖТК нинг 262—моддасининг 2—қисмига «Божхона бошлиқлари ва уларнинг ўринбосарлари»

сўзи ўрнига «Божхона органларининг бошлиқлари» сўзи киритилиши таклиф этилади.

7. Чегара божхона масканларининг аҳоли пунктларидан узоқда жойлашганлиги ва божхона хизматининг ўзига хос томонларини инobatта олиб, МЖТК нинг 309—моддасига божхона органларининг бошлиқлари божхонага доир маъмурий ишларни коллегиал тартибда эмас, балки якка тартибда кўриб чиқиши мумкинлигига оид тегишли ўзгартиришлар киритилиши таклиф этилади.

8. Ўзбекистон Республикаси «Айрим қонун ҳужжатларига қўшимча ва ўзгартиришлар киритиш тўғрисида» ги 1996 йил 26 апрелдаги қонунига асосан, Ўзбекистон Республикаси МЖТК 294—моддасининг 3—қисмига маъмурий иш материаллари жавобгар шахс иштирокисиз кўрилиши мумкинлиги белгиланган. Ана шу ўзгаришга асосан Ўзбекистон Республикаси Божхона Кодексининг 187—моддаси 3—қисмида «илтимоснома тушмаган бўлса» деган сўзларидан кейин «ёки унинг бўлиш жойини аниқлаш имконияти бўлмаса ёхуд чет эл фуқароси, фуқаролиги бўлмаган шахс томонидан содир этилган бўлса ёхуд унинг иштирокисиз кўриш тўғрисидаги ёзма илтимосномаси бўлса» деган сўзлар билан тўлдирилиши таклиф этилади.

9. Божхона Кодексининг 45—моддаси «шахсни кўздан кечириш» га қўшимча тарзда 2—қисм қуйидаги таҳрирда киритилиши таклиф этилади:

Хуқуқбузарлик ҳолатлари содир этган шахслар Ўзбекистон Республикаси Маъмурий жавобгарлик тўғрисидаги Кодекснинг 289—моддасига биноан шахсий кўриқдан ўтказилади ва ашёлари кўздан кечирилади.

Ўзбекистон Республикаси МЖТК 289—моддасининг 6—қисми чиқариб ташланиши мақсадга мувофиқдир.

10. Ўзбекистон Республикаси МЖТК 281—моддасининг 2—қисмида «Баённома уни тузган шахс ва маъмурий ҳуқуқбузарлик содир этган шахс томонидан имзоланади, гувоҳлар ва жабрланувчилар бўлган тақдирда эса баённома мазкур шахслар томонидан ҳам имзоланади» деган сўзлар ўрнига «Баённома ҳуқуқбузарлик ҳолати аниқланганда иштирок этган шахслар томонидан имзоланади, башарти гувоҳлар, жабрланувчи ва ҳолислар бўлмаган тақдирда баённома уни тузган шахс ва маъмурий ҳуқуқбузарлик ҳолатини содир этган шахс томонидан имзоланади» деб ўзгартириш киритилиши таклиф этилади.

Диссертация мавзуси бўйича қуйидаги илмий мақолалар ва ўқув қўлланмалар чоп этилган:

1) Ўзбекистонда божхона ишини ташкил этиш ва такомиллаштириш гоёлари». —Т.: «Ўзбекистон» 1996 й. 175 бет.

2) Организация таможенной службы в Республике Узбекистан». Ташкент, 1996 г. 18,7 п.л.

- 3) Божхона иши асослари: «Иқтисодиёт ва ҳуқуқ дунёси» нашриёт уйи, Тошкент – 1999.
- 4) Основы таможенного дела. Издательский дом «Мир экономики и права». Ташкент – 1998. объём 21,5 п.л.
- 5) Очиқ иқтисодиёт йўлидан. Издательский дом «Мир экономики и права», Тошкент – 1998. Объём 2,5 п.л.
- 6) «Божхона фаолиятини такомиллаштириш шахсий таркиб орасида хизмат интизомини мустаҳкамлашда божхона постлари бошлиқларининг ўрни ва долзарб вазифалари» мавзусида ўтказилган Семинар йиғилиш материаллари. Тошкент – 2002.
- 7) Ўзбекистон XXI – аср бўсағасида: Божхона сиёсати, тараққиёт омиллари. Республика илмий – амалий анжумани материаллари. Тошкент, 1998 йил. Асосий маъруза «Божхона хизматини модернизациялаш ва унинг асосий йўналишлари».
- 8) «Иқтисодиётни эркинлаштириш шароитида божхона тизимини такомиллаштириш йўллари». Тошкент, 2002 йил.
- 9) «Ўзбекистон Республикаси божхона қонунчилигини такомиллаштириш», «Иқтисодиёт назариясини ўрганишда миллий мустақиллик ғояларини тингловчилар онига сингдириш», «Халқаро иқтисодий муносабатларни ривожлантиришда солиқ механизми» Халқаро конференция материаллари. Тошкент, 2002 йил.
- 10) «Нормативно – правовые акты, регулирующие таможенное дело». Ташкент, «Ўзбекистон» – 2002 г.
- 11) «Божхона фаолиятини такомиллаштириш, шахсий таркиб орасида хизмат интизомини мустаҳкамлашда божхона постлари бошлиқларининг ўрни ва долзарб вазифалари» мавзусида ўтказилган Семинар – йиғилиш материаллари. Тошкент, 2002 йил.
- 12) «Божхона органлари ва иқтисодий хавфсизлик». «Қонун ҳимоясида» журнали, 1 – сон, 2003 йил.
- 13) «Божхона органларининг мамлакат иқтисодий хавфсизлигини таъминлашдаги ўрни». «Ҳаёт ва қонун» журнали, 1 – сон, 2003 йил.
- 14) «Божхона ҳуқуқшуносларини тайёрлашдаги айрим муаммолар». Республика илмий – амалий конференцияси материаллари. Тошкент, 2003 йил 1 ноябрь.

Short theme

The dissertation work of S.Alimbaev on the subject "Organization-right problems of exchanging goods at the territory of the custom-house in Uzbekistan" to submit candidate of law science thesis for a degree on field 12-00-02 constitutional law and management administrative law financial law

Modern economic development of the country and international relations prove the necessity of improving organization-right basis of exchanging goods on the territory of custom-house in the republic of Uzbekistan. It determines the urgency of the theme for research.

The main object of the dissertation based on comprehensive studding the problems of exchanging goods on custom-house territory of the republic that is realized by the representatives of external economic activity to work out suggestions for improving organizing to work out suggestions for improving organizing right base of this process.

To achieve this object we have solved the following tasks:

- a new approach for determining the role and meaning of custom-house service in insuring economic security of country was worked out.
- special features of determining conceptions were discussed: the territory of custom house for the aim of transferring goods through custom-houses border invested under different custom-houses rules.

So far the preventive methods and rules violation. The representatives of external economic activity and the rights protection and interests of external-economic activity participants worked out.

The scientific novelty of the dissertation is determined by an integrated approach for studding problems of exchanging goods process at the territory of the custom-house of the republic by the representatives of external-economic activity of different property forms and working out the suggestion on improving standard-rights base of this presses organization.

In course of research there were obtained the results, which are included:

- ensuring the articles adequacy of custom-house code adopted in 1997 to real process occurring in the system of goods exchange at the custom-house territory
- a number of custom-house legislation are determined, demanding solution and a number of methods are suggested for improving them.
- the necessity of marking strict of light and subjects responsibility of external economic activity for custom-house rights violation on goods exchange of custom-house territory
- methods improvement in the order of protecting legal rights and interests of external economic activity.

Краткое содержание

Диссертационной работы С. Алимбаева по теме «Организационно-правовые проблемы товарообмена на таможенной территории Республики Узбекистан» на соискание ученой степени кандидата юридических наук по специальности 12-00-02

Современное экономическое развитие страны и международные отношения обуславливают необходимость совершенствования организационно-правовых основ товарообмена на таможенной территории Республики Узбекистан. Это и определяет актуальность темы исследования.

Основная цель диссертационной работы на основе всестороннего изучения проблем товарообмена на таможенной территории Республики, осуществляемая субъектами внешнеэкономической деятельности, разработать предложения по совершенствованию организационно - правовой основы этого процесса.

Для достижения поставленной цели нами решены следующие задачи:

- разработан новый подход к определению роли и значения таможенной службы в обеспечении экономической безопасности страны;
- рассмотрены особенности определения понятий: таможенная территория и таможенная граница для целей перемещения товаров через таможенную границу, помещённых под различные таможенные режимы.

При этом разработаны методики предупреждения и пресечения нарушений таможенных правил субъектами внешнеэкономической деятельности, а также защиты прав и интересов участников внешнеэкономической деятельности.

Научная новизна диссертационной работы определяется комплексным подходом к изучению проблем процесса товарообмена на таможенной территории республики субъектами внешнеэкономической деятельности различных форм собственности и разработкой предложений по совершенствованию нормативно-правовой основы организации этого процесса. В ходе исследований получены ряд результатов, которые заключаются:

- в обеспечении адекватности статей Таможенного Кодекса, принятого в 1997 году, к реальным процессам, происходящим в системе товарообмена на таможенной территории;
- определяется ряд проблем таможенного законодательства, требующих решения и предлагается ряд методов их совершенствования;
- доказана необходимость ужесточения методов борьбы и ответственности субъектов внешнеэкономической деятельности за нарушение таможенных правил по товарообмену на таможенной территории;
- совершенствование методов в порядке защиты законных прав и интересов субъектов внешнеэкономической деятельности.

Босишга рухсат этилди 2.11.2003 й.
Буортма ~~200~~. Босма табағи... ~~100~~. Адади ~~1000~~.
Фан ва технологиялар марказининг
босмахонасида чоп этилди.